

Seto nädali kava

3.10 kell 9.30 I Setomaa latsiaidu olümpiamängu'

Miktämäe latsiaia hoovih

Latsi- ja nuuriaastagalõ mõtõldõh alostasõ' seto kultuurinädälit Setomaa latsiaia'. Edimäist kõrda omma' Miktämäe latsiaiah Setomaa latsiaidu olümpiamängu'! Võistlusõ' omma' lõbusa' ja latsi ikä arvõstava'.

Mano saat küüsüdä: kool@mikita.edu.ee

3.10 kell 18.00 Seto Pitsi Klubi kokkosaaminõ

Käsitüüselts Kirävüü tarõh Verska vallamaja III kõrra pääl

Seto Pitsi huvilisõ' tulõva' kokko 3. oktoobril kell 18.00 Käsitüüselts Kirävüü tarrõ. Kokkosaamisõ teema om "Valgõ pilo värmilitsõs!" Edimält seletedäs, pärast pruumva' kõik eis' perrä tetä'. Kõigil pallõldas hindäl üteh võtta' 1,0 pilonõgõl ja langa'. Mi ooda pilotamma!

Mano saat küüsüdä: jane.vabarna@gmail.com

3.10 kell 20.00 Seto kultuurinätäl nakas pääle tandsoga'

Verska Sanatooriumi kohvkuh Lahe

Verska Sanatooriumi kohvkuh Lahe om õgal tõõsõpääväl folklooriõtak! Seto kultuurinädäli joosul saava' kohvigu külästjäjä' kaia' ja tandsi' seto tandsa ülebsootska Piret Torm-Kriisi vai Paaba Palagaga'. Üritüs om ilma rahalda'!

Mano saat küüsüdä: tia.saarestik@spavarska.ee

4.10 kell 8.30-11.00 Seto latsi hummok vai seto perimuskultuurihummok ja keelepesä latsilõ

Verska Kultuurikeskusõh

Kesknädäli om Verska Kultuurikeskusõh perimuskultuuri oppõpäiv algklassõlõ. Latsõ' saava' setokeelidse juhendamisõ perrä meisterdä', oppi' seto rahvarõividõ nimetüisi, mäangi' seto laulumänga ja kaia' setokeelist multikat. Kõik huvilisõ' omma' oodõt!

Mano saat küüsüdä: 5291619 ja kultuurikeskus@verska.ee

4.10 kell 17.30 "Seto latsi luu' ja laulu'"

MODUSE salongih (Narva mnt 50)

Kultuuriklubi SETOLUU' kuts Talina seto latsi ütehkueh kõnõlõma, laulma, tandsma MODUSE salongi (Narva mnt 50).

Küüsü' mano kultuuriklubi SETOLUU' / kultuuriklubi SETOLOOD FB-lehelt

5.10 saat terveh päiv aia' takah seto sõnnu

Verska alevikuh

Kiäki' om pildnu' müüdä Verskat ilosit ja harvakutti kõnõldavvi seto sõnnu! Otsi' nuu' üles ja saada' aadressi pääle kultuurikeskus@verska.ee ja olõtki' avvuhinna loosmisõh seeh!

Küüsü' mano seto kultuuri nädäli FB lehel (Seto Nätäl)

5.10 kell 12.00 "Katõt pääga' naase'" näütüesest kõnõlõminõ

Obinitsa Muusiumih

Obinitsa muusiumi tulõ küllä Kalkuni Andreas, kiä kõnõlõs näütüse "Katõt pääga' naase'" tegemisest ja saat mano küüsüdä' naisi pääkatmisõst.

Mano saat küüsüdä: muuseum@meremae.ee

5.10 kell 18.30 Seto Tandsoklubi Paaga Palaga ja Seto Kunigriigi pillimeistridõga'!

Verska Kultuurikeskusõh

Seto kultuuri nädälil elostami vahtsõlt Verska Kultuurikeskusõ tandsoklubi traditsiooni! Tandsimi 19. saandi tõõsõ poolõ ja 20. saandi edeotsa seto küläpidosidõ tandsa ja pilli mängvä' Seto Kunigriigi pillimehe'! Muidogi' om katõt ka' kohvi-tsäilaud!

Mano saat küüsüdä: 5291619 ja kultuurikeskus@verska.ee

5.-6.10 Vana palkhuunõ kõrdategemisõ kooltus

Perdaku küläh

Ku olõt huvtõt vana palkhuunõ kõrdategemisõ opmisõst, sis tulõ' kooltusõlõ! Kooltus om 5.-6. oktoobril Perdaku küläh ja 10.-11. oktoobril Päkä küläh. Kooltuspäivi joosul opitas huunõ märkmist vallalõvõtmisõ jaost, palkõ vaeldamist, huunõ kokkosäädmist. Pruumi' saat huunõ tungõga' nõstmist, sobiligu palgi sortmist, tapi tegemist, samblõ kogomist. Kooltust veevä' läbi MTÜ Vanaajamaja seto taloarhitektuuri nõvvoandja ja Seto Käsitüü Kogo liigõh Raudoja Ahto.

Kooltusõst saat osa võtta' ka' katõ päävä kaupa.

Kooltusõ hind: 10€ päiv.

Mano saat küüsüdä ja kirja panda': 56200057 ja kogo@setomaa.ee

6.10 kell 16.00 näütüisi avaminõ

Verska Kultuurikeskusõh

Inne Seto Kongressipäivä avatas Verska Kultuurikeskusõ suurõh saalih Seto Talomuusiumi leelopäivile pühendet näütüs “Seto Laulupidodõ lugu” ja väikoh saalih Käsitüüseltsi Kirävüü näütüs “Kõivo Anna hammõkirä”. Kõik omma’ näütüisi avamisõlõ oodõt!

Seto Talomuusiumi näütüs “Seto Laulupidodõ lugu”

Seto Talomuusiumi varahoitja Kunsti Tiiul kokko säet näütüs Leelopäivist võtt pildilisõlt ja tekstilisõlt kokko Seto Laulupidodõ aoluu mõtte sündümisõst edimätsel Seto Kongressil 1921. aastal kooni’ täämbätse päävani. Näütüs om kannõt lootusõst, õt UNESCO vaimsõ kultuuriperändi esindüsnamekirja kannõt seto leelo ummi laulupidodõga’ ühendäs edespidigi’ õgalpuul ja õgah iäh seto lauljit ja setokõisi, omma’ oodõt, hoiõt ja jääs alalõ viil aastasatu.

Käsitüüselts Kirävüü näütüs “Kõivo Anna hammõkirä” autorist

1928. aastal sündünü’ käsitüümeistri Kõivo Anna om 2006. aastal luud Käsitüüseltsi Kirävüü asutajaliigõh. Anna om olnu’ toetav iistvidäjä Seto Talomuusiumi luumisõl ja perästpoolõ tegemisi nii laulu- ku ka’ käsitüüoppõ läbiviimisõl. 2015. aastal anti tälle Anne Vabarna preemia seto umakultuuri aktiivse arõndamisõ ja vannu käsitüüvõttidõ elohhoitmisõ iist.

Mano saat küüsüdä: 5292629 ja kultuurikeskus@verska.ee

8.10 kell 12.00-16.00 “Pühapäävähummok Setomaaga”

MODUSE salongih (Narva mnt 50)

Talina seto’ pidävä’ Setomaa 96. hällüpäivä MODUSE salongih Narva mnt 50. Üritüst kõrraldas Kultuuriklubi SETOLUU’.

9.10 kell 9.00 XII Seto Kongress

Verska Kultuurikeskusõh

Seto Kongress om Setomaa ja seto rahva esinduskogo. Seto Kongress arotas probleeme ja langõtas otsussit, mäntse' pututasõ' Setomaa kultuurilist, majanduslikku ja poliitilist arõngut. Seto Kongress om õga kolmõ aastaga takast. Seto Kongressil valitas uma otsussidõ täüdeviimisõ ja Setomaa murõkotussidõga tegelemisõ jaost 13-liikmõlinõ Vanõbidõ Kogo, mia tegutsõs järgmätse kongressini.

XII Seto Kongressi kava :

1. Päävanõba ettekannõh SKVK tüüst kongresse vaihõlitsõl aol.
2. Ettekandõ setokõisi elost, murridõst ja kõrdaminekist: ülebootska Piret Torm-Kriis, nuursootska Annabel Huik, Siberi setodõ esindäjä Veera Oinets, Õie Sarv, Elvi Nassar, Maria Noormets, Maria Rahasepp, Aare Hõrn, Margus Timmo.
3. Välis- ja Siseministeeriumi esindäjidõ ettekandõ': kultuuriviisadõ arv, parhillanõ olukõrd Eesti-Vinne "piiril", reisisdokumendih sünnükotusõ märkmisõga' seotu' murõh.
4. Saadkidõ ja külälisi sõnavõtu'.
5. Seto Kongressi otsussidõ vastavõtminõ.
6. SKVK valiminõ.
7. SKVK tunnustamisõ': aastaka imä, esä, vanaimä, vanaesä, ettevõtja ja ilosap kodo.

Kongress nakas pääle täpselt kell 10.00 seto hümniga' ja lõpõs kella 17.30 aigu, pääle tuud om iloõtak. Saadkidõ valimisõ kõrra ja volikirä lõvvät www.setomaa.ee. Volikiri om vaia ar' täütä' ja saata' 2. okt oie@sarv.ee. Kongressi päävä hummogu kell 9 om saadkidõ registriiriminõ, materjalõ kätteandminõ ja hummogukohv. Ku saat, sis tulõ' kongressilõ seto rõivih.

Setomaa veebiviktoriin

Seto kultuuri nädälil om ka' s'ool kõrral Setomaa veebivikotriin.

Viktoriini lövvät seto kultuurinädäli kodolehe päält ja FB lehelt 2. oktoobrist kooni' 6. oktoobrini. Võitja' kuultadas vällä Setomaa sünnüpääväl, 9. oktoobril kell 12.00 seto kultuurinädäli FB lehel (Seto Nätäl). Kõik omma' oodõt viktoriinist osa võtma!